

松江府志

地 210, 25-
135
: 12

28

卷二十四
卷二十五
田賦志

松江府志卷二十四

田賦志 漕運

唐貞元初詔浙江東西入運米七十五萬石并悉委浙

江東西節度使韓滉處置船運 欽定續通典

按華亭是時隸蘇州屬浙西道觀察使

宋太平興國初兩浙既獻地歲運米四百萬石雇民挽

舟 欽定續通典

至道元年江浙所運由淮泗輸京 嘉興府志

大中祥符初江淮兩浙路租糴於真揚楚泗州置倉受

納分調舟船沂流入汴以達京師 宋史

松江府志

卷二十四

田賦志

漕運

建炎二年詔福建兩浙路綱運輸送平江府 欽定續通典

紹興初以兩浙之粟供行在 宋史

元至元十九年伯顏追憶海道載宋圖籍之事以為海

運可行於是請於朝廷命上海總管羅璧朱清張瑄

等造平底海船六十艘運糧四萬六千餘石從海道

至京師然剋行海洋沿山求嶼風信失時明年始至

直沽時朝廷未知其利 元史

二十年罷新開河頗事海運立萬戶府二以朱清為

中萬戶張瑄為千戶忙兀解為萬戶府達魯花赤 元史

二十四年始立行泉府司專掌海運增置萬戶府二



總爲四府元史

二十八年又用朱清張瑄之請併四府爲都漕運萬戶府二止令清瑄二人掌之其屬有千戶百戶等官分爲各翼以督歲運元史

至大四年遣官至江浙議海運事以嘉興松江秋糧并江淮江浙財賦府歲辦糧充運海漕之利益至是溥矣元史

初海運之道由平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密州膠州界放

松江府志

卷二十四

田賦志

二

漕運

靈山洋投東北路多淺沙行月餘始抵成山計其水程自上海至揚村馬頭凡一萬三千三百五十里至元二十九年朱清等言其路險惡復開生道自劉家港開洋至撐腳沙轉沙觜至三沙洋子江過扁擔沙大洪又過萬里長灘放大洋至青水洋又經黑水洋至成山過劉島至之罘沙門二島放萊州大洋抵界河口其道差爲徑直明年千戶殷明略又開新道從劉家港入海至崇明州三沙放洋向東行入黑水大洋取成山轉西至劉家島又至登州沙門島於萊州大洋入界河當舟行風信有時自浙西至京師不過

旬日而已視前二道為最便云然風濤不測糧船漂溺者無歲無之閒亦有船壞而棄其米者至元二十三年始責償於運官人船俱溺者乃免然視河漕之費則其所得蓋多矣元史

至正十五年浙江省臣乞減海運以甦民困戶部定擬本年稅糧除免徵外其寺觀竝撥賜田糧十月開倉盡行拘收其不敷糧撥至元折中統鈔一百五十萬錠於產米處糴一百五十萬石貯瀕河之地以聽撥

運從之

續文獻通考

按至元人始重海運其講求海道沿山求嶼與夫相風避積之法可謂備矣今考之元史至元二十八年

松江府志

卷二十四

田賦志

三

漕運

漂米至二十四萬五千有奇至大三年漂米至二十萬九千有奇而每歲漂溺以什百千萬計者不與焉原其立法之初本欲省經費而能牽挽究乃舉倉庾之正供及轉漕之官吏士卒悉棄諸不測之淵利害昭然無俟較量然終元之世不能廢海運者以運渠未濬舍此更無以便漕也自明臣宋禮陳瑄等濬會通河以通漕舟後復改為兌運省民間輸挽之勞倉儲正額歲有常經不同海運之輕為嘗試至天啟以後徐鴻儒李青山相繼為亂有司勦治無方運道為梗沈廷揚復議海運終於難行

明初海運因元之故海運不給於是陸運以濟之及會

通河既濬於是有償運而海運乃罷遮洋海運猶不

廢焉然償運之初皆支運也既而議者以為軍民不

便於是有兌運法凡五變一曰海運二曰海陸兼運

三曰支運四曰兌運五曰改運

續文獻通考

洪武元年命浙江江西及蘇松等九府運糧三百萬石

於汴梁續通典

永樂十二年海運糧四十八萬四千八百一十石於通州又衛河僭運糧四十五萬二千七百七十六石於北京所謂海陸兼運者是也一由江入海出直沽口由白河運至通州謂之海運一由江入淮黃河至陽武縣陸運至衛輝府由衛河運至薊州謂之河運續文獻通考

十三年會通河成遂令浙江嘉湖杭與直隸蘇松常鎮等府秋糧除存留竝起運南京及供給內府等項

松江府志

卷二十四

田賦志

四

漕運

外其餘原坐海運之數盡撥運赴淮安倉續文獻通考

按續文獻通考云是時陳瑄計議令民運糧俱於淮安瓜洲補給腳費免與軍船領運瑄又奏請於淮安瓜洲水次令軍民於此對船交兌令軍船出給通關付還與民令民補腳價在淮安水次者每正糧一石外加五斗在瓜洲水次者每正糧一石加三斗五升

十六年又令浙江湖廣江西布政司竝直隸蘇松常鎮等府兌糧坐派二百五十萬石令糧里自備船隻運赴通州河西務等處上倉明會典

宣德二年令浙江江西湖廣竝直隸蘇松等府起運淮

安徐州倉糧撥民自運赴通州倉其運糧軍士於淮

安南京倉支運明會典

四年仍令蘇松等府民運糧二百七十四萬石貯徐州倉令官軍支運明會典

六年奏准浙江江西湖廣蘇松常鎮太平等府簽撥民丁及軍多衛所添撥軍士與見運軍士通二十四萬分兩班更替僱運明會典

七年議准民運多失農月及官軍空船往還艱苦著口民糧加耗腳各於附近水次兌與軍運明會典

應天蘇松等府每石加耗米五斗六升又兩尖米一斗共六斗六升內除四斗隨船作耗餘米二斗六升折銀一錢三分名二六輕齋今減去二升止徵二斗

松江府志

卷二十四

田賦志

五

漕運

四升改爲二四輕齋於內仍扣留銀一分腳米每石六升折銀給運官同有司爲買辦物料修船之費通會河成省腳價始立減扣法扣留者以備修惠通河
插量減者以寬民力明會典

成化七年都御史滕昭議罷瓜淮兌運裏河官軍雇江船於江南水次交兌民加過江之費明會典

十年立改兌法蘇松等處糧米改令官軍各赴彼水次交兌時設收兌糧長除官甲國戶田糧自兌外其保區民戶田畝秋糧每名約收一千二三百不等兌

給官軍郭志

合瓜淮官軍過江兌運除加耗外每石添給腳米六升改兌耗米應天蘇州松江鎮江廣德每石俱三斗二升鳳陽淮安揚州每石俱二斗七升徐州每石二斗二升以上各加耗內各折米二升易銀一分名折易輕齎凡改兌俱無尖米盤剝之費明會典

二十年奏准河道淺阻糧運遲滯運到京者悉免曬颺每石加耗米四升每石兌運該收耗米竝免曬颺米四升俱作正數支放明會典

宏治五年戶部言蘇松諸府連歲荒歉民買漕米每石用銀二兩而北直隸山東等處歲供宣大二邊糧料

松江府志

卷二十四

田賦志

六

漕運

每石銀一兩去歲蘇州兌運已折五十萬石每石銀一兩今請推行於諸府而稍差其直災重者石七錢稍輕者石仍一兩俱解部轉發各邊抵北直三處歲供之數而收三處本色以輸京倉則費省而事易集從之明史

正德二年漕運官請疏通水次倉儲

明史

嘉靖三十二年巡撫彭巡按孫會奏南方衛所沿邊者戍腹裏者運制也邇年乃以松江所運船二十艘改派金山衛及青南二所代運邊腹互失其職宜遵舊

制部覆報可

金山衛新志

四十四年御史張振之救止民運

振之疏略 據揭報為黃河水汎淤塞運道妨阻糧
船議照往年河變事例將糧米寄囤就撥各軍看守
空船回南修船仍照舊管運到京但來歲之糧不能
不取之民運等因臣查先年民運止於徐淮臨德四
倉官軍轉運向交納稱難弊害百出而議為官軍水
次交兌自成化以後百年相守田野郊邑之民不知
運糧為何事矣一旦責之舍耕鋤操舟楫而涉歷江
河險阻風濤洶湧之衝其誰堪之彼有號苦而已耳
駭走而已耳有力者則囑託告免轉相攀陷而已耳
此其不可行一也萬一迫於官司不得已認役則不
得不轉包積年走京光棍私雇橫惡長船召募無籍
水手欲無侵累賄盜不可得也此其不可行二也有
民運則必有官部運裁革冗員之後官既不多數干
里遠行欲無常例科索不可得也此其不可行三也
旗軍交兌下有千百戶上有指揮把總然且船抵水
次而有頑戶不納倉廩無糧較斛議耗交相關怒又
或勢豪私兌每至米不乾圓潔淨抵京挂欠追賠一
田野小民欲與有司較美惡爭多寡論遲速得乎其
勢不至於數月守待濕爛支吾傾貲代應不止也此
其不可行四也往時十年一編均徭今則提編加徵
不知幾倍矣往時五年一審糧長今則三年一當甚
至有年年者矣往時十年一名里役今則一家二三
名矣當此困窮雖賑荒蠲賦尚不能救而加此百年
未有之役乎此其不可行五也一年開端將來遂為
定制寄囤守凍無歲無之今年凍阻明年兌運孰不
以後到之為利此其不可行六也此臣所謂民運之
害斷斷不可行也

松江府志

卷二十四

田賦志

七

漕運

萬曆二年題准各處隨糧輕齎銀通解漕司內將三分

給運官其七分選定解官裝入標船星夜越幫前進

送通倉坐糧郎中秤過寄庫候該幫船到驗給運官

完糧

江南通志

七年又令完掣通關之日查無挂欠亦便與運官領

回分給

江南通志

漕運總兵萬表糧運輕齋者即耗糧也先是耗糧俱本色隨船候到灣雇車起糧則易銀為用後以灣中米價低昂不一而易賣又滯交納宏治十三年都御史張敷華都督郭宏方議折銀每石定價五錢可輕齋之名由始也然只令完納兌運三百三十萬石而已餘耗本折皆歸旗卒官固無利之者是故旗卒富饒輝運於斯為盛至正德六七年來京師權要始有官債虛立文約逼奪輕齋而弊又從此生矣時各總運官多出其門牽引為害蓋借公物以為私賂希寵庇耳於是始有鞘封過淮赴漕運衙門呈驗重封仍委官至張家灣過發之蓋以革逼奪之弊而把總聶欽遂引蚤緣驗封查算使用以羨餘獻之於官故又有扣除之例矣欽雖即以賊敗而後之相繼者則用意算扣歲增其數成務多獻以為功太倉庫所積羨餘至盈數十萬而官旗揭借賠費賠害不可勝言欽之倡始為可罪也夫一六二六三六輕齋乃耗糧也惟因地有遠近故耗有多寡非腳價也若腳價則漕運

松江府志

卷二十四

田賦志

八

一例矣灣中起糧使用則各總皆同又何必分一六二六三六之殊哉今以輕齋扣除於官是則正糧四百萬之外復收其耗糧也豈制法之意乎後又添設參將一員駐劄通州專一驗封參將王佐乃定腳價搜括倉中使用如太監則有茶果錢如經歷倉攢每石一釐則謂之釐見錢及至吏書門官斗級之類莫不定之以數每年造報花銷遂以為例先年倉中使用初無定數每因人之狡懦而高下增減之司使用之人又有虛數以欺眾者累至爭訐故此法一立一時人亦便之但使用公行太監茶果又添火耗催茶果者又有班兒錢其經歷倉攢往年各衛得以所帶本地貨物高價與之而今皆紋銀且以此為應得又於數外求之為厚薄低昂矣蓋作法於涼其弊猶貪作法於貪弊將焉止故為法不可不慎也

明典彙

九年議准漕司及各巡撫將江南五府應運白糧令

各糧長仍雇五百料中船勿令夾帶私貨應得水腳

當官議定先給一半其餘封印船過徐州總部官驗

給又題准每歲解京白糧務點殷實糧戶正身解納
不許棍徒包攬應用米數先儘本名如有官戶銀米
責令運送倉庫轉給領解以杜短少賠累船隻許令
糧長自雇五百料中船每百石定給銀三十三兩埠
頭等役悉行查革經過鈔關如果止於土宜四十石

免其納稅

明會典

陳睿謨論白糧解役疏略竊惟國家財賦大半取
給江南力役重大莫如糧解漕糧白糧兩解皆公儲
也皆公役也然漕糧係軍運軍係伍丁白糧係民運
民運則照地畝簽差名曰大戶夫惟以大戶充糧解
其賠累有莫可言者矣東南諸省如湖廣江西等府
俱止有漕糧無白糧即南直浙江惟蘇松常嘉湖五
府獨有白糧臣每見里中糧役收領正米外更有各
項名色官有管轄遂因其管轄而遞索之事有款項

松江府志

卷二十四

田賦志

九

漕運

隨照其款項而各科之運船未出江口而使費已耗
其大半矣用是不避怨嫌臚列四款一曰糧官陋規
當裁官常肅而糧解之節省無量矣一曰胥役冗費
當革需索少而糧解之輸納易辦矣一曰沿塗阻壅
當卹此又區處解役之一權宜也一曰包攬積蠹宜
懲此又區處解役之一權宜也竊白糧為上供急需遞年簽
黃希憲改運白糧疏久矣邇因半為包棍侵漁半
點糧解春辦兌納相沿久矣邇因半為包棍侵漁半
為胥役指索以及剝淺守凍赴京交納等費動以千
計遂至靡歲不遲無邑不欠公家正額究無完納之
期近奉聖諭渙頒凡可寬恤吾民者無不周悉臣撫
此財賦重地目擊苦役敢復隱忍膠柱不求長策乎
近行蘇松道會同常鎮道澈底講求思甦民裕國之
策莫善於均徵米而官運之官運則民無雇倩之費
一便也官無簽役之難二便也錢糧既自官支吏胥
無從抽扣三便也在船皆官役船戶無敢凌虐四便
也催餉皆官事沿途無敢拋撇五便也況米屬均徵
則苦樂之形不立巧拙之情自化糧不必說寄飛灑
差不必就易避難民心以厚民風以淳六便也然其
中有當議者五焉凡白糧正耗春辦夫船等米一槩

算入平米之內派之此派糧之公可行也原編耗米之外另編加二以補沿途之消損以平米一石計之不過合勻而已此加耗之輕可行也民間辦糧盡數交倉無此漕彼白之分縣官就完米中擇其乾潔者免漕艘阻壓之患此徵辦之速可行也運船向係民雇官運則必用官船計每船管船頭舵水手各安家衣資等項以及買辦包索遇淺起剝遇溜添置等項計每船用米五十石用銀三百二十五兩以原編夫船貼役銀計之除儘支外銀尚不足有餘以原編夫船貼役銀臨時調劑是經費不煩增設矣至於管押起交侵盜漂失每船各有責成遇有虧欠立勒賠補懸大法以繩其後蓋既不可以復問糧里則人未有不愛惜性命者是責成不患無人矣茲據蘇常兩道臚列具詳臣亦無容更益而臣緯恤杞憂尙有不能已於言者語曰一法立一弊生外而衙蠹包棍內而部胥積歛引戶每視糧解為奇貨今改爲官解未免拂其狼心必至多方阻撓或包棍潛入京師串通積役仍肆把持或引戶交構外奸偽造訛言動搖耳目有一於

天啟七年巡撫毛一鷺議止民運赴淮交兌

此皆足善成乞救五城御史及緝事衙門凡遇此等即置重典庶蠹賊一清而美利可久伏願軫此子遺毅然乾斷救部立覆舉行異日書之史冊將見九重如天好生之德與穹壤俱無極矣

一鷺與總漕書 伏讀蘇石水公祖條議因漕兌日遲將凍阻各船令各郡邑運米赴淮就近交兌此中士民一聞斯舉皆相顧徬徨爭言其極不便者且極言其大可慮者蓋三吳賦額半於天下卽以蘇松四郡言之爲漕糧計正耗百五十三萬石爲運船計三千艘爲經收糧長計萬餘人今欲民自雇船運淮交兌無論此中輕船小艇既不堪重載且不便出江卽吳地經商者亦皆從浙湖外江雇船非若江廣淮揚諸處商船雲集可呼之立至也無論民力已殫無費免船卽有費而無船將安用之此不便在雇船也此中糧多則糧長更多年來十役九廢官甲大戶外率多零星小戶在途盤剝未免疏失寄頓漫藏更虞火盜一官之耳目有限各船之照管難周此不便在押運也軍強民弱從來皆然向在水次交兌有道府彈

松江府志

卷二十四

田賦志

十一

壓守令講敢向時有凌謀之端若迫之遠涉何異赴湯蹈火且令與悍軍講兌不啻如羊見虎逃亡勢所必至此不便在交兌也糧長不獨辦漕糧一項折色亦屬催辦有如此以本色遠涉將折色白銀屬之何人是本邑未必速而折色愈加緩况兌糧正值農忙之時奪其農時必至拋荒田地春不耕秋何望且將來歲之漕慮矣此不便在催徵也每石減耗一斗在運軍似亦廢米若干不然此一斗之耗軍豈甘心短少稍加抑勒便足取償且各糧長盤剝虧折費必數倍勢必復派里甲當此皮骨空存之日誰堪疊役誰堪重徵互相規避輾轉遲延此不便在科派也各省修船彙集淮上或船到而匠役缺乏或船到而材未充或米到而船未修或船修而米不至凍阻之餘益增其守候之苦况以一衣帶之水屯數千百之船爭先競後擾攘擠軋欲速而反遲此不便在修船也至遠近船隻見漕事需船急於星火誰肯操舟勢必裹足遠匿將鈔關之額課必虧又常鎮去歲困於旱蝗有如客船不到米價必至騰貴恐搶攘衝決事出意外而況月今三王之國凡公私船隻皆取資於裴運萬一凍阻之船既以封阻而不至商販之船又以漕運

懼禍而不前則數十萬漕糧豈能無涇而走凡此不便款係似在漕糧之外病痛俱在漕糧之內政今日漕事切膚隱憂也

崇禎二年推官徐日曦議募船代運

日曦議略 今最重莫如漕糧計蘇松獨甲於他郡乃兌運漸遲於邇年况西北戎馬生郊宜東南轉輸更亟先是預圖何如拮據近奉憲檄恪遵明旨欲雇募民船以濟新運委曲權宜勢非獲已第須商酌調妥不致臨期跌齧絲來漕米出辦民間運艘責之旗甲有司衛弁分曹而治船至無糧郡縣之咎若幫船少而回空遲雖有催督之任者不能代之理也政惟專屬略無旁誘於是催儻必嚴修艫必飭人與事習保無他虞閒有漂溺焚燬灑帶未盡量餽民舟補其見缺然亦漕軍自供厥役祖制時宜永無攸歎今一旦問之州縣代與雇覓其資斧取之輕齋月糧猶可言也并輸輓分之問閱衙役其可繼乎二郡之糧十有七八運船此時百無一至若輩尋常遷延規避功令驅之猶且不率聞有代之勞而分其過者裹足匿

影益以有辭求之愈急應之愈緩民羅不已改為民
運江南無縣無白糧無歲無南解析骸殞命蕩產鬻
兒支吾門戶不給尙克代軍伍難勝之任乎職每從
監兌見諸軍咆哮不戢現船現米生端措勒多索耗
贈爭嫌米色豁壑是盈如奉驕子若更予之以自便
累民以難堪濟變一時階厲後世恐漕法繇此壞矣
蘇常鎮州邑臨大河通商船者有限其餘迂回僻遠
港水淺窄與雲開三縣逼近海濱又有柳浦之險運
艦而外江廣載船日月一至往往自糧解戶遠涉江
外身家相倚賠費不資使雇船一人運糧更一人痛
賚不關情態錯出毋論薄版輕舟負重致遠洪波懸
溜意外生虞甚有不肖奸旗折乾盜賣利其漂沈推
誘首事雖竭項踵不足以殉作事謀始寧得不總
過計以職之愚謂徵糧有無有司事也催督旗船仍
屬衛所稽查現在回空修船之數星夜到次交兌開
封刻期嚴限毋以代雇爲辭果被兵燹急難修造或
凍涸不前需待無日者亦必官軍親集兌所算給應
領賚銀隨便雇買船隻撐駕兌運自可無誤彼知擔
不易釋須畢力仔肩法不容寬務兼程必濟救急之
方無善於此抑職尤有說焉漕事之難無過於松江
漕運

松江府志

卷二十四

田賦志

三

上海卑職目擊其艱去歲六月過淮遭糧尙餘六萬
職以半月嚴追幸竣其局究竟縣官猶煩白簡今年
災歉特甚逾不聊生哺糟咽糠逃徙亡算職每親臨
比併見民皮骨僅存血杖淋漓淚與俱下然不敢愛
姑息而後催科定當竭心力以稱上指第雇船代運
之事斷難加積贏極困之氓責之無米之炊望其不
脛而走一朝反側恐有不可言者職方被催督之檄
爲此迂緩之言迹疑自寬念則轉切爲地方乃以利
國家惟台臺詳計而審行之

國朝順治二年覆準糧長僉解白糧受累無窮宜改爲官

解之法路費腳價額派之外不許多索民間分毫大

清會典
則例

四年題準白糧改爲官運以府通判爲總部縣丞典

史爲協部吏典爲押運
大清會典則例

八年淮安水災運軍貧困糧道暫以在屯舍丁充任

金山衛承任運船兩隻

金山衛劉志

按金山衛志云順治八年糧道暫行軍八舍二之法通行牌至金山金山在衛舍丁皆係操舍原與屯舍不同而一時好事者不為置辦竟承任運船兩隻不知操舍丁係前朝指揮及千百戶之後或懦弱無能或貧困無力或有事於詩書或留心於農賈非比運軍子孫相繼習慣承充往往有糧未到通而其家已破者

九年准總漕馬國柱疏請查黃屯丁審定運軍

江南通志

馬國柱疏為運丁舊冊堪稽簽口積弊宜剔仰祈聖明俯賜采擇事臣聞凡事更張即起借端之弊前人有例何難按籍而求如明朝用黃快船以裝貢物設運船以輓漕糧事雖並重然黃快船丁係編審小甲糧船運戶係食糧祖軍人實分途先是兩丁皆以正身應役備受監局廠衛之騙害有冤無告嗣據南北兵

松江府志

卷二十四

田賦志

三

漕運

部堂屬詳議疊疏奏請定為免役編銀之法快丁每歲納銀一萬五千兩黃丁每歲納銀二千二百兩徵解南兵部以為繕船募役之資此萬曆十四十六等一年兵部題准刻有船政新書可據兩丁遵此而行非一日矣至於運軍承祖戶運差凡有事故止於運差軍餘內撥補不得將黃快船編丁掣出領運此萬曆二十一年兵部題准至崇禎四年南兵部尚書傅振商與漕運總督李待問又將萬曆八年及四十六年老冊與運軍祖冊運餘底冊逐月支糧冊澈底清查審定運軍一萬八千六百六十名有見運旗甲有食糧運餘有清出竄丁有空閒備補其閒祖宗姓名子孫人數刻有運冊新考可據運軍遵此而行亦非一日矣

國朝創造方新舊弊叢生奸甲既思竄戶而息肩貪弁反借勾查而居奇臣前閱總督漕臣沈文奎題疏及部臣覆議慎重精詳深恐殷實運軍竄戶逃差致誤國家曹務雖然臣謂此輩有敢竄之心無能竄之法何也兩書在案運自運丁自丁固截然而不容混也臣思

皇上念念為民事事除害一切直省錢糧盡照萬曆年間

編派以絕額外濫加之弊則船政運冊亦萬歷年間
臺省兵部幾經參駁而後成書使清查照此清查則
載冊祖軍誰敢指鹿為馬簽運照此簽運則納銀船
丁自難以羊代牛斬斷無數葛藤省盡許多騙詐矣
臣謹繕疏奏

聞伏乞

皇上敕部詳議仍將原書發臣捐俸重刊頒布使軍丁世
守成規永戴

皇仁可也仰祈
聖明俯賜采擇

是年題準各省雇募民船水腳江南蘇松等處每石

自三錢至三錢五分均於月糧耗米竝輕齎銀內動

給大清會
典則例

按先是題準各省漕船
闕額雇募民船裝運

十一年

松江府志

卷二十四

田賦志

古

漕運

恩詔白糧民解累民官解仍以累民今後於漕船分帶以

省官民之累大清會
典則例

十二年覆準白糧既照舊官解從前題請加派耗米

經費加增水手夫役名數皆應照該督所請行蘇松

常三府白糧除原額正米耗米舂辦米三項外每正

糧一石加派耗米二斗四升水腳添管提溜腳價銀

一兩三錢每船加舵夫水手十有二名每名給米三

石看糧夫役二名擔運夫役二名各照船數一例均

派總部協部公費工食就糧米多寡裒益酌定足以

供用大清會
典則例

是年戶部遵

旨議準各省漕糧過淮應限月日均照議單開載江南江

寧蘇松等處限正月以內過淮

大清會典則例

十三年題準金山松江二衛所舊例行糧全支本色

月糧全支折色今行月二糧改為本折各半半折行

糧每石一兩一錢半折月糧照依原折每石一兩編

徵支給

大清會典則例

十四年戶部覆準江南白糧照浙省例抽選漕船裝

運

江南通志

又準巡按御史秦世貞疏定漕糧官收官兌令各府

松江府志

卷二十四

田賦志

五

漕運

州縣印官照派定區圖貯收在倉驗依淮單交兌每

正糧百石除正耗外加米五石銀五兩交與旗弁

江南

通志

十六年準巡按御史馬騰陞疏自今民戶各照應納

糧米竝耗贈及五兩五石儘數交納收糧官官隨收

給串即發歸農俟旗船到次衛官竟與印官糧官交

兌軍民兩不相見則五兩五石之外無苛求官收官

兌之法為至便

馬騰陞疏略

臣於去年題準良法虛懸一疏業經

嚴飭各屬畫一遵守矣恐將來不肖有司陽奉陰違

仍復審簽糧役如蘇之公正糧長松之圖記典者常

之里甲圖收一經簽定收漕責成漸復在民請自今

秋早定收漕各官開倉之日糧戶輸納卽挨次交收無致臨兌雜沓縣官照條銀例先期印發糧串解過糧米糧官卽照數填給勿使糧戶伺候至如兌竣之通關每多勒措五兩五石之外日順風日花紅日犒賞巧立名色恣意索取今議各州縣漕船聽候漕臣頒發全單給糧道開明某衛各船若干隻兌某縣米若干石該道頒發號單每單兌米一百石連加贈銀米交清卽將一單著令衛官填註收數一船兌足卽出給水程勒令開幫是爲節節割絕使無勒措通關之弊再令糧道查照各屬額設幾倉每倉頒發號簿幾本將前各丁船開列在簿兌足卽註明兌足如過期不兌監兌推官周歷所至按簿責比旗軍以杜愆期之弊更有驍軍沿途停泊竊取墳樹種種等情許地方官嚴拿解送糧道或兵巡守道重懲其運官約束不嚴申報漕撫俟過淮之日創治以禁在途生事倘水程限日遲延一並查處糧艘可速進而延誤之弊亦除矣

又準科臣朱紹鳳以蘇松常鎮四府糧多路遠領運

松江府志

卷二十四

田賦志

六

漕運

旗丁不無常例雜費於五兩之外再加五兩其江安等十一府州俱仍係五米五銀江南通志

康熙元年覆準蘇松常三府白糧雇用民船水腳銀編

載全書計包給發均從米數科算竝無別設雇船私貼之項惟至丁字沽每石應用雇駁銀一錢二分今

漕船可直抵通此項應裁省解部至於額編看船糧

夫每名工食十有二兩擔運夫每名工食七兩二錢

南北艱辛僅充口食難議裁減

大清會典則例

十四年覆準江南蘇松常等府白糧照浙江例分於漕船帶運計白糧十有五萬一千餘石每船裝米五

百石約用船三百有二隻每船原派行月照支給經費銀三百三十兩八錢六分之二例共應給經費銀九萬九千九百十有九兩七錢有奇共節省經費等銀十有三萬一千二百六十七兩八錢米口萬八百六十九石八斗有奇

大清會典則例

又題準蘇松常等府白糧抽選漕船裝運應用三百有二船其三百二船之漕米分灑於各漕船帶運每船帶運米六十餘石米多船重每石給銀五分約算每船給銀三兩

大清會典則例

又題準蘇松常等府白糧選糧船裝運每船議給經

松江府志

卷二十四

田賦志

七

漕運

費銀三百三十兩有奇繫由牘鋪墊與備辦包索添管提溜等項均屬必需之款應照原議給發

大清會典則例

例

又題準江南蘇松常三府白糧向京雇募民船受兌嗣後抽選漕船運白各船應載漕糧分於餘船帶運每加裝正米一石給負重銀五分

大清會典則例

又覆準白糧改合漕船帶運裁去總協二部蘇松常三府每府增設千總二人每年輪流領運

大清會典則例

又覆準蘇松常三府白糧每幫增設隨幫一人押趨

回空

大清會典則例

十五年覆準白糧已經倉場具題河下兌放改進通倉蘇松常等府每船經費銀三百三十兩有奇內除交通濟庫由牘銀四十兩外其餘河下兌放每船覈減銀四十二兩八錢六分改進通倉覈減銀二十二兩八錢扣存道庫報部充餉

大清會典則例

十七年將蘇松常鎮贈銀裁減五兩

二十年將蘇松常鎮四府所裁贈銀五兩內復給三兩五錢本年九月奉

上諭積貯為國家大計歲運漕米充實京倉最為緊要旗丁人等挽運勤勞宜加存扣朕頃巡行近畿至通惠河一

松江府志

卷二十四 田賦志

六

漕運

帶見南來漕船旗甲人丁資用艱難生計窘迫深為可憫若不預為籌畫恐其苦累難支以致沿途遲滯貽誤倉儲所關非細前以軍需浩繁漕運額設錢糧節行裁減今行作何酌復款項爾部詳議具奏戶部議覆此項銀米原係額設應給之款自今年起運十九年起各省所裁減

耗贈銀米俱行復給

江南通志

二十三年金山衛操舍翁我維等具呈本衛守備申

詳各司將所撥運船二隻仍歸屯軍長運

金山衛劉志

二十五年糧船槩定每船十丁又定三分本色席片止徵解二分五釐減去五釐一竝折銀與前七分折

色銀均解通濟庫江南通志

是年咨準蘇松等衛閏月錢糧乃計口授食全書額編之款各軍春出冬回多此一月難以枵腹此項閏

月月糧應仍準支給大清會典則例

二十七年題準各省修船銀定例在糧道庫內支給報銷其江安蘇松等處修船銀向係各衛官軍於過淮時造報總漕批給今酌議停其解淮統歸糧道給發其天津通州二處三修銀在通濟庫內支領大清會典則例

典則例

三十二年題準蘇松所屬州縣額徵加漕裁扣六升

松江府志

卷二十四

田賦志

五

漕運

等銀原係供支蘇松漕糧運軍行月之需舊例解交

江安糧道給發報銷今酌定解交蘇松糧道總作完

欠支給奏銷大清會典則例

四十二年題準蘇松常三府白糧於回空無欠之江

淮興武等十一幫內無論已運未運簡選殷實運軍

堅固漕船五年一次輪運毋致違誤大清會典則例

五十二年準蘇撫張伯行疏江南漕船仍照原限勒

令正月以裏過淮江南通志

五十六年覆準蘇松常三府白糧經費先經民運每船需銀七百餘兩後於康熙十四年照浙省例改為

漕船裝運每船給經費銀二百九十兩有奇為沿途盤駁添簞提溜抵通堆囤看守交倉鋪墊等費又給行月銀米以為運軍安家之費二十七年於奏銷案內停其支給行月四十二年因停支行月於經費之外給飯米銀五十四兩四十三年以運漕運白均屬一例將經費盡裁照漕例支給行贈銀米但浙江白糧除行月外每石給漕截銀三錢四分七釐飯米七升二合江南除行月之外每石止給贈銀一錢四分五釐比浙江少給銀二錢二釐應準其照浙江白糧漕截之例每石補給銀二錢二釐以為沿途盤駁堆

國交倉鋪墊諸費在道庫減存銀內支給大清會典則例

雍正二年議準各省造船料價金山等衛向例給軍料價在本地方設廠成造均隸船政同知管理其料價銀除動支額編民七軍三料價銀外倘有不敷或動減存漕項並支剩行月銀或動輕齋及蘆課銀均由漕臣臨時題請撥補今船政同知既經裁革應統歸糧道管理令運軍支領料價赴廠自行成造大清會典則例

四年題準各省應徵枋木松板舊例係三分本色七分折色蘇松等府將應徵本色徵銀給運軍辦交嗣

後將松板全解本色楞木改徵松板亦全解本色

大清會典則例

五年覆準蘇松常鎮太五府州屬漕船無論土著協運皆就向年原兌府屬止調本省各邑水次定以三

年一調杜其久戀情熟盜賣鑽營之弊

大清會典則例

七年準蘇撫尹繼善之請禁革徵收積弊酌定每石收費六分折收制錢五十四文其行用小錢地方卽照大錢數扣算交收以一半給發旗丁一半留給州縣再每漕一石止許收水腳錢五文其州縣倉廩如離糧艘上兌之處十里以外者每十里準加二文又

松江府志

卷二十四

田賦志

三

漕運

災漕米石一體照新漕每石交費五十四文惟水腳一項災漕陸續派兌挽運艱難準比新漕加錢十文此外不許多勒粒米毫銀

江南通志

八年正月

上諭浙江蘇松等屬應解三分本色松板著俱改徵折色令各該糧道彙解通濟庫以備采辦之用其湖廣江西安徽等處全解十分本色者著倉場侍郎嚴行稽查不許收

板官吏勒索使費

江南通志

十一月奉

旨浙省白糧係民間春辦江南百姓輸納糙米官爲春白

一應細包搬運皆屬官辦其所有耗米束包等項俱著照該撫善所請準其開銷江南通志

乾隆二年蘇松等府州減徵白糧改徵漕糧應減白糧

船價分兌漕三運白糧船百三十有六松江府四

一十五船為一大清會典則例

又覆準江南蘇松等太四府州白糧減額改徵漕糧

見運白糧項下徵收支解經費銀三萬八千三百八

十九兩一錢四分米六萬一千一百二十三石五斗

四升夕有奇改徵漕糧項下徵收隨漕支解銀二萬

三千七百八兩七錢三分米三萬八千六十五石九

松江府志

卷二十四 田賦志

三

漕運

斗八升各有奇應減徵銀二萬七百七十七兩六錢

七分米萬九千六百五十二石一斗七升各有奇永

免科徵尚餘減存經費銀二萬九百五兩有奇照數

徵解大清會典則例

又

諭聞得江浙兩省民間輸納白糧較漕糧費用繁重甚屬

艱難朕心深為軫念諭令該部詳老據奏兩省歲運白糧

二十二萬餘石太常寺光祿寺各賓館需用二千餘石王

公官員俸米約需十五六萬石內務府禁城兵丁及內監

食用等項需萬石尚餘五萬石存倉等語朕思光祿寺等

處所支原以供祭祀及賓館之用在所必需其王公官員俸米應用白糧者可酌量減半以秔米抵給至賞給禁城兵丁及內監食米亦可將白糧裁減給以秔米如此則每年所需白糧不過十萬石仍照常徵收起運其餘十二萬石著漕運總督會同該督撫酌行改徵漕糧其經費銀米均照漕例徵收以紓民力欽此

大清會典則例

又題準江浙二省運京白糯米每歲應需九千石均攤科算浙江原辦運白糯米五千二百四石照例采買辦運江蘇常州府原辦運白糯米九百八十石九斗六升二合今派九百七十七石蘇州府白糯米

松江府志

卷二十四

田賦志

三

漕運

米原辦運四千二百六十八石二斗八升四合零今派二千八百十有九石以足九千石之數餘均改徵漕糧至松江府太倉州屬偏處海濱采買艱難將白糯米全改漕糧

大清會典則例

三年議準江浙二省白糧改徵漕糧每年到通之時管羨腳損等項悉照漕糧例辦理

六年議準江南江寧衛各幫分運江寧及蘇松等屬漕米行糧月糧向係江安蘇松兩糧道互相派給應將兌運江屬漕糧行月安家加給折色等項歸江安糧道派給其兌運蘇松常鎮漕糧每船安家月糧四

十八石豫支月糧銀三十六兩原在上江州縣屯衛屯糧及租銀裁扣內動支亦應歸江安糧道派給惟行糧並水手米共四十二石加給行月折色銀共三十六兩既在蘇松常鎮四府南糧及嘉定等縣加漕內動支應歸蘇松糧道派給總以兌糧州縣水次就近派支不敷方於鄰邑協發

大清會典則例

九年題準糧船過淮限期向按各省程塗酌定未分各府遠近及道路難易江南下江之松江府與浙江道路相等但松江必由蕪泖澱山等湖湖南經涉洞庭江西必由鄱陽不能逆行前進各幫到淮均在浙

松江府志

卷二十四

田賦志

十五

漕運

江湖北等省之後應將江南松江府及江西湖南幫船於過淮原限外寬限十日

大清會典則例

十五年金山衛歸併鎮海衛管理

十六年戶部等覆漕督瑚寶奏嗣後該省蘇松等屬運白船隻定為三年抽調仍照例於通省漕幫內挑選丁殷船固歷年無欠以及並未運過白糧之殷丁抽換兌運倘該道衛等違例挑選該督卽行查參

條例

編約

二十四年戶部覆漕督楊錫紱題查江淮七八等幫半折月糧從前定議每石扣銀三錢原係援照新宣

等四衛之例畫一扣減後新宣等衛扣減銀兩已於康熙二十九年題準復給而江淮等幫仍係按數扣減應如所請準其自乾隆二十四年起照舊每石給銀一兩於庫貯減存項下動給按年造入奏銷報部

查核

條例
約編

四十年戶部奏準每歲江浙二省運到糯米核計歲需尙有多餘請於乾隆四十一年起將該二省應運糯米共改徵漕糧一千石

五十二年部覆旗丁挽運漕糧全賴月糧充裕方免疲累案查從前鳳陽淮安湖州所等幫應支一半本

松江府志

卷二十四

田賦志

五

漕運

色亦係全行折給經前漕臣楊錫紱德保鄂寶毓奇等先後題奏在於減存行月并南糧耗米內改撥本色經臣部議覆準行在案今該督奏請將江南省之江淮與武二衛十八幫及浙江省之寧波等衛十二幫原支一半名本實折月糧改爲本色於該二省藩司衙門地丁南米等項款內兵餉支剩以及存貯變價之米支給仍將各幫應支折價解歸藩司抵款似此辦理則該州縣應徵折色仍照原額折徵而運丁得此本色米石濟運更覺寬裕自爲調劑疲幫起見且與辦過成案相符事屬可行但各該省南糧餘耗

項下每年支剩若干是否足抵各該幫本色月糧之需應請

敕下各該督撫詳細查明報部到日再行核辦

條例約編

五十三年改編江淮興武二衛各幫改本月糧米

嘉慶五年巡撫岳起奏準漕費錢文全行給軍其修倉

鋪墊人工紙張等費印官捐貼腳錢仍照前議

十五年本府額徵起運各款

漕糧正兌并白糧局糧改漕正兌共米二十萬一千

一百八十三石二斗四升二合六勺華亭縣二萬四千五百六十八

石九斗九升四合二勺奉賢縣二萬三千七百六十四石六斗七升九合九勺婁縣二萬五千八百

松江府志

卷二十四

田賦志

三

漕運

七十四石一斗三升五勺金山縣二萬三千四百九十一石八斗三合三勺上海縣三萬一千六百

一十二石七斗六合七勺南匯縣三萬一千七百一十四石三斗九升九合五勺川沙撫民廳二千

九百一十石五斗九升一勺青浦縣三萬遇閏減

徵改折灰石米五百八十三石二斗三升五合三勺

華亭縣七十三石六斗九升四合五勺奉賢縣六十四石四斗三升八合九勺婁縣八十七石六斗

四升一合六勺金山縣六十七石六升七合上海縣八十六石七斗七升七合南匯縣八十

七石四斗二升七合一勺川沙撫民廳一十三石七斗四升七合三勺青浦縣一百二石四斗八升

六合增徵局匠口糧并改漕閏月等米七十四石八

斗四升四合六勺華亭縣一十石七斗七升三合八奉賢縣七石七斗三升七合

九勺婁縣九石一斗一升一合二勺上海縣一十一石七斗九

升四合三勺 南匯縣一十一石六斗一升八合七勺
增徵坍荒減蠲米一斗九升五合三勺 川沙撫
民廳七斗六升九合六勺增徵坍荒減蠲米一升四
合 青浦縣一十三石七斗一升八合四勺又道冊
加徵米 二勺

加四耗米八萬四百七十三石二斗九升七合三勺

華亭縣九千八百二十七石五斗九升七合七勺
奉賢縣九千五百五十五石八斗七升一合九勺又糧道

起運冊應增米一勺 婁縣一萬三百四十九石六
斗五升二合二勺 金山縣九千三百九十六石七

斗二升一合三勺 上海縣一萬二千六百四十四
石八斗三升八勺 南匯縣一萬二千六百八十五

石七斗五升九合八勺 川沙撫民廳一千一百六
十四石二斗三升六合

青浦縣一萬四千八百九
十八石六斗二 遇閏改折灰石減編米二百三十三

升七合五勺 華亭縣二十九石四斗七升
石二斗九升四合五勺 七合八勺 奉賢縣二十五

松江府志

卷二十四

田賦志

毛

漕運

石七斗七升五合六勺 婁縣三十五石五升六合
八勺 金山縣二十六石八斗二升六合八勺 上

海縣三十四石六斗九升三合三勺 南匯縣三十
四石九斗七升一合三勺 川沙撫民廳五石四斗

九升八合四勺 青浦縣四 增徵匠局口糧改漕閏
十石九斗九升四合四勺

月米二十九石九斗三升七合八勺 華亭縣四石三
斗九合五勺

奉賢縣三石九升五合二勺 婁縣三石六斗四升
四合五勺又道冊應增米一勺 金山縣三石六斗

四升四合五勺 上海縣四石七斗一升七合七勺
南匯縣四石六斗四升七合四勺增徵坍荒減蠲

米七升八合七勺 川沙廳三斗七合九勺增徵坍
荒減蠲米五合 青浦縣五石四斗八升七合三勺

改兌正米二萬六千七百石九斗五合五勺 華亭縣
三千一

百六十八石四斗四升一合九勺 奉賢縣三千三

十二石一斗五升七合六勺 婁縣三千四百二十

七石二斗二升五合二勺 金山縣三千九十九石
六斗六升五合三勺 上海縣四千二百六十二石

一斗七升五合八勺 南匯縣四千一百二十七石
四斗三升五合二勺 川沙撫民廳三百八十二石

八斗七合五勺 青浦縣五 遇閏改折灰石減編米
千二百石九斗九升七合

一十二石一斗五升八合八勺 華亭縣一石五斗二
升一合三勺 奉賢

縣一石三斗二升一合三勺 婁縣一石六斗九升
九勺 金山縣一石四斗六升三勺 上海縣一石

八斗四升九合四勺 南匯縣一石八斗九合三勺
川沙撫民廳二斗八升七合六勺 青浦縣二石

二斗一升 八合七勺 華亭縣

加三耗米八千一十石二斗七升一合六勺 華亭縣
九百五

十石五斗三升二合六勺 奉賢縣九百九石六斗
四升七合三勺 婁縣一千二百八十八石一斗六升七

合五勺 金山縣九百二十九石八斗九升九合六
勺 上海縣一千二百七十八石六斗五升二合七

勺 南匯縣一千二百三十八石二斗三升六勺
川沙撫民廳一百一十四石八斗四升二合二勺 漕運

松江府志

卷二十四

天

青浦縣一千五百六十 遇閏改折灰石減編米三石
石二斗九升九合一勺

六斗四升七合六勺 華亭縣四斗五升六合四勺
奉賢縣三斗九升六合四勺

婁縣五斗七合二勺 金山縣四斗三升八合一勺
上海縣五斗五升四合八勺 南匯縣五斗四升

二合八勺 川沙撫民廳八升六合
三勺 青浦縣六斗六升五合六勺

漕贈五米并 白糧局糧 五米一萬五千八百一十八
改漕等項

石三斗八升五合九勺 華亭縣一千九百二十五石
奉賢

縣一千八百六十六石六斗一升七合九勺 婁縣二
千三百二十二石六斗五升二合七勺 金山縣一千八

百四十七石二斗一升五勺 上海縣二千四百八
十九石八斗八升六合七勺 南匯縣二千四百八

十八石二斗九升一合四勺 川沙撫民廳二百二
十八石六斗二升三合七勺 青浦縣二千九百四

十五石三斗二 遇閏減徵米四十一石六斗一升七合
升四合三勺

五勺 華亭縣五石二斗五升八合 奉賢縣四石五

七勺 金山縣四石七斗八升九合五勺 上海縣

六石一斗九升一合七勺 南匯縣六石二斗三升

七合六勺 川沙撫民廳九斗八升九勺 增徵局匠改

勺 青浦縣七石三斗一升八合三勺 華亭縣七斗五

漕閘月米五石二斗四升一合九勺 華亭縣七斗五

奉賢縣五斗四升一合七勺 婁縣六斗三升七合

九勺 金山縣六斗三升七勺 上海縣八斗

二升五合六勺 南匯縣八斗二升六合九勺 川

沙撫民廳五升三合九勺 青浦縣九斗六升三勺

白糧正米供用庫一萬二千一百五十七石 華亭縣

百九石 奉賢縣一千三百九十八石 婁縣一千

六百三十八石 金山縣一千三百二十二石 上

海縣一千八百四十二石四斗八升 南匯縣一千

八百三石一斗四升 川沙撫民廳二百八十六石

三斗八升 青浦縣 交倉五升耗米六百七石八斗

二千二百五十八石 田賦志 漕運

五升 華亭縣八十石四斗五升 奉賢縣六十九石

石一斗 上海縣九十二石一斗二升四合 南匯

縣九十石一斗五升七合 川沙撫民廳一十四石

三斗一升九合 青浦 給軍盤剝耗米三千三十九

石二斗五升 華亭縣四百二十九石二斗五升 奉賢縣

五斗 金山縣三百三十石五斗 婁縣四百九石

十石六斗二升 南匯縣四百五十五石七斗八升五

合 川沙撫民廳七十一石五斗九升

五合 青浦縣五百六十四石五斗 白糧正米光祿寺九千五百二十九石 華亭縣一千

石 奉賢縣一千九十六石 婁縣一千二百八十二

五石 金山縣一千三十四石 上海縣一千四百

四十三石九斗七升五合六勺 南匯縣一千四百

一十二石六斗五合 川沙撫民廳二百二十四石

四斗一升九合四勺 青 交倉三升耗米二百八十

浦縣一千七百七十一石

松江府志

卷二十四

田賦志

完

漕運

五石八斗七升

華亭縣三十七石八斗八升六升 奉賢縣三十一石

八石五斗五升

金山縣三十一石二升 上海縣四十三石三斗

三斗七升八合一勺

川沙撫民廳六石七斗 給軍三升二合六勺

盤剝耗米二千五百七十二石八斗三升

華亭縣三百四十四石

七斗四升

奉賢縣二百九十五石九斗二升 婁縣三百四十四石

石一斗八升

上海縣三百八十九石八斗七升三合一勺

川沙撫民廳六十石五斗九升三合一勺

青浦縣四百七十八石一斗七升

白糧正米王祿一千四百一石

華亭縣一百八十六石 奉賢縣一百六十一石

十一石

婁縣一百九十二石 金山縣一百五十七石

石四斗一升

川沙撫民廳三十二石 交倉五升耗九斗九升

松江府志

卷二十四

田賦志

三

漕運

米七十石五升

華亭縣九石三斗 奉賢縣八石五斗

五斗

上海縣一十石六斗三升 南匯縣一十石三斗七升五勺

十二石九斗五升

給軍耗米三百五十五石二斗五升

華亭縣四十六石五斗

奉賢縣四十七石二斗五升 婁縣四十八石

縣五十三石一斗五升

金山縣三十七石五斗 上海縣五十二合五勺

勺 青浦縣六十

川沙撫民廳八石二斗四升七合一勺

給軍盤用并經費白糙耗米四千六百一十七石四

斗

華亭縣六百一十一石四斗內給軍盤用三百五十七石

百六十五石五斗

婁縣六百二十三石內給軍盤用二百一十一石

給軍盤用二百一十一石五斗

金山縣五百一石二斗內給軍盤用二百一十一石

石八斗一升一合一勺

內給軍盤用三百四十九石九斗

五合五勺 南匯縣六百八十四石六斗三升一合
內給軍盤用三百四十二石三斗一升五合五勺
川沙撫民廳一百八石七斗五升八合內給軍盤用
五十四石三斗七升九合 青浦縣八百五十七石
六斗內給軍盤用四
百二十八石八斗

春辦米六千九百二十六石一斗 華亭縣九百一十
七石一斗 奉賢

縣七百九十六石五斗 婁縣九百三十四石五斗
金山縣七百五十一石八斗 上海縣一千四十四

九石七斗一升六合七勺 南匯縣一千二十六石
九斗四升六合五勺 川沙撫民廳一百六十三石

一斗三升六合八勺 青浦
縣一千二百八十六石四斗

運船水手食米一千六百六十二石二斗六升四合

華亭縣二百二十石一斗四合 奉賢縣一百九十
一石一斗六升 婁縣二百二十四石二斗八升

金山縣一百八十八石四斗三升二合 上海縣二百
五十一石九斗三升二合 南匯縣二百四十六石

松江府志

卷二十四

田賦志

三

漕運

四斗六升七合 川沙撫民廳三十九石一斗
五升三合 青浦縣三百八石七斗三升六合

松江所月糧五百七十七石七斗八升七合四勺遇

閏加編米二十一石五斗六升三合二勺 華亭縣三
百三石八

斗六合六勺遇閏加米一十一石五斗三升六合三
勺 奉賢縣二百六十四石五斗一升五合八勺遇

閏加米一十石二升六合九勺 婁縣五石二斗四
升五合三勺 金山縣四石二斗一升九合七勺

金松衛運軍行月糧二千一百八十一石一斗一升

四合一勺遇閏加編并上海縣揚倉閏月米一百八

十二石三斗九升九合三勺 婁縣二百四十一石一
斗五升三合八勺遇閏

加編一十石四斗三合四勺 金山縣二百三十三
石一斗一升三合四勺 上海縣七百九十二石七

斗九升五合五勺遇閏加編并揚倉閏月加編七十
六石三斗六合一勺 南匯縣七百八十九石一斗

一升一合四勺遇閏加編七十五石五斗七升六合
七勺 川沙撫民廳一百二十四石九斗四升遇閏
加編一十一石七
斗九升四合四勺

改編江淮興武二衛各幫改本月糧米一萬二千六

百九石四斗一升二合六勺 華亭縣一千五百二十
二石一斗八升五合

奉賢縣一千四百七十一石二斗六升 婁縣一千
六百七十七石三斗二合六勺 金山縣一千四百六

十三石七斗 上海縣一千九百五十五石六斗四升
三合 南匯縣一千九百石一斗五升六合三勺

川沙撫民廳三百二十二石五斗八升七勺 青
浦縣二千三百二十八石五斗八升五合

揚州倉本色米七千五百五十一石一斗三升六合

七勺遇閏減米一石五斗八合 華亭縣一千七十三
石一斗三升二合二

勺遇閏減徵一斗三升四勺 奉賢縣九百四十二
石九升七合遇閏減一合六勺 婁縣九百五十八

松江府志

卷二十四

田賦志

三

漕運

石一斗二升七合八勺遇閏減一斗一升九合六勺 金山縣七百七十八石五斗九升七合一勺遇閏

減二升八合六勺 上海縣一千一百三十二石八
斗四升五勺遇閏減一石八升四合 南匯縣一千

一百三十九石八斗八升三合七勺遇閏減一升四
合六勺 川沙撫民廳一百七十八石二斗八升七

勺遇閏減九升五合 青浦縣一千三百四十八
石一斗七升七合七勺遇閏減三升四合二勺

又漕糧改南項下留抵閏月兵糧餘剩米內撥歸揚

倉米二百六十二石六斗八升八合二勺 係婁縣
米石

隨漕輕資席木板等項正損費并二升耗米折改漕

案內增編各款共銀三萬二千七百五十七兩二釐

遇閏增銀八錢一分遇閏減編改入灰石項下銀二

兩五分二釐遇閏應於灰石項下劃入銀一釐應於

損腳費銀內劃作揚倉米折項下銀一釐華亭縣四

十四兩九錢三分五釐奉賢縣三千六百一十二

兩九分八釐婁縣四千六百一十七兩四錢二分

五釐遇閏之年應於灰石銀內劃入銀一釐以符奏額又遇

閏減徵改入灰石項下銀一錢二分八釐金山縣

三千七百一十四兩五錢九分四釐遇閏於正銀內

改入灰石項下銀二錢五分四釐上海縣五千五

十八兩六錢一分五釐遇閏增徵銀八錢一分南

匯縣四千八百五十七兩七錢二分三釐遇閏減編

銀一兩二錢九分八釐川沙撫民廳六百七十一

兩三錢四分三釐遇閏減編歸入灰石項下銀九分

一釐青浦縣六千一百一十兩二錢六分九釐遇

閏減歸入灰石項下二錢八分一釐

過江六升米折銀六千九百一十三兩五錢四釐華

縣八百六十五兩一錢六分九釐奉賢縣七百五

十兩一錢七分六釐婁縣九百八十三兩七錢六

松江府志

卷二十四

田賦志

三

漕運

分 金山縣七百九十一兩四錢八釐上海縣一

千六十七兩一錢八分五釐南匯縣一千二十七

兩八錢七分八釐川沙撫民廳一百四十五兩九

錢五分三釐青浦縣一千二百八十一兩九錢七

分五釐

漕贈十銀三萬五千一百一十兩三錢六分四釐華

縣四千四百三十六兩八錢五分七釐奉賢縣三

千八百五十三兩二錢六分八釐婁縣四千九百

五十二兩一錢七分四釐金山縣三千九百八十

八兩五錢九分二釐上海縣五千四百二十五兩

四錢八分四釐南匯縣五千二百七兩五錢九分

三釐川沙撫民廳七百二十三兩八錢九分三釐

青浦縣六千五百遇閏減編銀八十四兩一錢一

二十二兩五錢三釐

分五釐華亭縣一十兩六錢四釐 奉賢縣九兩二

縣九兩六錢三分四釐婁縣一十一兩九錢六分 金山

分八釐南匯縣一十二兩五錢四釐 上海縣一十二兩七錢七

廳一兩九錢八分六釐 青
浦縣一十五兩四錢四分

改折灰石銀五千四百八十六兩八分四釐 華亭縣七百四

兩四錢六分五釐 奉賢縣八百四十二兩五錢三

分二釐 婁縣八百五十五兩五錢八釐 金山縣

八百六十六兩一錢八分九釐 上海縣七百九十

兩八錢一分一釐 南匯縣一千一百二十一兩二

錢五分六釐 川沙撫民廳一百三十四兩九錢遇

四分五釐 青浦縣一百七十七兩三錢七分八釐 遇

閏加編銀九百九十九兩二錢四分五釐 華亭縣一

兩八錢五分七釐 奉賢縣一百一十兩一分六釐

婁縣一百四十二兩八錢三分九釐 金山縣一

百一十五兩七錢二分 上海縣一百四十九兩八

錢六分四釐 南匯縣一百五十一兩四分 川沙

撫民廳二十三兩六錢八分九釐

青浦縣一百八十八兩二錢二分

金松衛所行月米折銀二千九百七十八兩九錢一

分七釐 華亭縣三百四十兩一錢九分一釐 奉賢

縣二百九十五兩四錢五分三釐 婁縣三

百三十四兩一錢二分七釐 金山縣二百六十八

兩七錢九分六釐 上海縣九百八十四兩三錢五

分九釐 南匯縣六百四十六兩一錢四分 遇閏增

一釐 川沙撫民廳一百九兩八錢五分 遇閏增

松江府志

卷二十四

田賦志

蓄

漕運

編銀一百九十七兩六錢九分八釐 華亭縣一十一

釐 奉賢縣九兩九錢九分三釐 婁縣七兩七錢

四分 金山縣七兩八錢九分七釐 上海縣七十

四兩三分四釐 南匯縣七十四兩八錢七

分 川沙撫民廳一十一兩八錢五分三釐

金松衛所淺船民七料價銀四百八十四兩五錢四

分七釐 華亭縣六十六兩五錢九分七釐 奉賢縣

七錢九分七釐 金山縣五十五兩五錢一分八釐

上海縣八十八兩三錢一分四釐 南匯縣五十七

兩九錢七分 川沙撫民廳九兩八錢五

分五釐 青浦縣九十兩六錢五分七釐

解通由牖銀一千八百四十六兩九錢六分華亭縣二百四

十四兩五錢六分 奉賢縣二百一十二兩四錢

婁縣二百四十九兩二錢 金山縣二百兩四錢八

分 上海縣二百八十五兩三錢五分七釐 南匯

縣二百七十四兩三分一釐 川沙撫民廳三十七

兩八錢九分二釐 青浦 縣三百四十三兩四分

漕截銀一萬一十三兩九錢八分七釐華亭縣一千

兩九錢七分四釐 奉賢縣一千一百五十一兩一

錢六釐 婁縣一千三百五十一兩一錢三分一釐

金山縣一千八十六兩九錢七分七釐 上海縣

一千五百四十七兩一錢七分 南匯縣一千四百

八十五兩八錢七分四釐 川沙撫民廳二百五兩

三錢三分四釐 青浦縣一千八百五十九兩九錢

二分 一釐

負重銀二百五十四兩三錢五分華亭縣三十二兩

八錢五分 奉賢 漕運

松江府志 卷二十四 田賦志 三

縣三十二兩七錢五分 婁縣三十五兩七錢五分

金山縣二十五兩三錢 上海縣二十八兩二錢

三分九釐 南匯縣四十兩三錢八分八釐 川沙

撫民廳四兩六錢七分三釐 青浦縣五十四兩四

量斛束包夫工食銀六百四十八兩華亭縣八十六

兩四錢 奉賢

縣七十二兩 婁縣八十六兩四錢 金山縣七十

二兩 上海縣一百八兩七分八釐 南匯縣九十

四兩二錢五分 川沙撫民廳一十三兩六

錢七分二釐 青浦縣一百一十五兩二錢

千總俸隨幫廩工銀二百二十二兩三錢三釐華亭

十四兩二錢八分五釐 婁縣三十二兩五錢三分

金山縣二十八兩三錢八分五釐 上海縣三十

九兩九錢四分六釐 南匯縣三十五兩八錢四分

六釐 川沙撫民廳五兩一錢二分八釐 青浦縣

四十六兩一 錢八分三釐

裁存經費銀一萬三千六十九兩三錢三分六釐華亭

縣九百七十五兩八錢一分九釐奉賢縣八百三

十八兩一錢八分婁縣九百五十二兩九錢二分

二釐金山縣七百七十一兩七錢七分九釐遇閏

減徵一分四釐上海縣一千一百七十九兩八錢

一分一釐南匯縣一千二百八錢一分九釐

川沙撫民廳七十四兩九錢五分青浦縣七千

二百五十三兩五分六釐遇閏減徵六錢一分三釐

節省充餉銀三萬一千八百二十五兩七錢八分四

釐華亭縣四千七百五十八兩八錢八分九釐奉

賢縣四千一百三十二兩六錢九分九釐婁縣

四千七百六十兩七錢六分一釐金山縣三千九

百二十二兩一錢六分上海縣六千六百六十兩四錢

六分四釐南匯縣五千九百七十一兩九錢二分

四釐川沙撫民廳九百六兩五錢五分七釐青

浦縣一千三百一十二兩三錢三分漕運

額撥漕項銀二千九百四兩七錢六分二釐華亭縣

十三兩一錢八分五釐奉賢縣二百二十一兩三

錢一分八釐婁縣七百六十六兩三錢九分金

山縣五百二十七兩九分五釐上海縣四百八兩

五錢一分六釐南匯縣二百九十八兩二錢二分

九釐川沙撫民廳四十七兩九錢七分

三釐青浦縣四百一十二兩五分六釐

揚倉米折正損費銀三千六十一兩六釐華亭縣四

七錢一分一釐奉賢縣二百七十四兩六分九釐

婁縣三百八十八兩一錢五分一釐金山縣三

百一十二兩二錢五分九釐上海縣五百六十二

兩四錢七分八釐南匯縣三百六十九兩二錢一

分六釐川沙撫民廳六十二兩七錢六分八

釐青浦縣五百六十一兩三錢五分四釐

鳳陽倉麥折正損費并徐州永福倉米折正損費共

銀八千六十兩七錢九分遇閏加編銀七分五釐華

松江府志

卷二十四

田賦志

三

漕運

縣一千六十八兩三錢一分六釐遇閏加編銀三分
二釐 奉賢縣一千五十五兩六錢七釐遇閏加徵
銀五釐 婁縣一千一十兩八錢八釐遇閏加徵銀
二分 金山縣八百二十六兩八錢七分四釐遇閏
加徵銀一釐 上海縣一千四百五十九兩四錢五
分七釐遇閏加徵一分 南匯縣九百七十八兩三
錢四分三釐遇閏加徵四釐 川沙撫民廳一百六
十五兩三錢遇閏加徵三釐 青浦縣一千四百九
十六兩八分五釐

輕費漕贈過江六升米折漕糧改折灰石場倉米折
損費金松行月米折金松淺船民七料價七款共銀
八萬六千七百九十 隨徵五分耗羨銀四千三百三
十九兩五錢七分一釐

解通由牖漕截負重量斛束包夫工食千總俸隨幫

松江府志

卷二十四

田賦志

三

漕運

廩工裁存經費節省充餉七款共銀

五萬七千八百八十兩七錢二分

分隨徵五分耗羨銀二千八百九十四兩三分六釐

額撥漕項鳳倉麥折損費永福倉米折損費二款共

銀一萬九百六十五兩五錢五分二釐 隨徵五分耗羨銀五百四十八

兩二錢七分八釐

按江南通志所載松江府額徵漕糧正改兌正米耗
米白糧正米耗米并隨漕雜項米共四十一萬七千
三百五十五石一斗三升五合與現行之款約略相
符道餉銀共一十五萬六千八百八十一兩四錢二
釐有奇其款目無甚懸殊若解藩司庫軍三銀裁扣
幫官廩工銀贍運銀京口護漕船工食銀各項今無
此款當有裁并故也

派兌幫船

華亭額船六十隻內加一裁船七隻又裁汰興武七幫內揚州二幫船一十隻該船四十三隻又撥入原派奉賢水次興武七幫船三隻上海水次江淮五幫船四隻實共船五十隻

興武七幫船三十四隻 興武六幫船一十二隻

江淮五幫四隻

奉賢縣額船五十八隻內加一裁船七隻又撥兌華亭水次興武七幫船三隻實共四十八隻

興武八幫船四十八隻

婁縣額船六十一隻內加一裁船八隻又裁汰興武

松江府志

卷二十四

田賦志

三

漕運

三幫內揚州二幫船六隻該船四十七隻又撥入原

派南匯水次興武三幫船六隻共五十三隻

興武三幫船五十三隻

金山縣額船五十九隻內加一裁船六隻該船五十

三隻內撥兌南匯水次興武四幫船三隻實共船五十隻

興武四幫船五十隻

上海縣額船七十九隻內加一裁船九隻該船七十隻又撥兌華亭水次江淮五幫船四隻青浦水次江淮八幫船一隻實共船六十五隻

江淮五幫船五十九隻 江淮八幫船六隻

南匯縣額船八十三隻內加一裁船八隻又裁汰興

武三幫內揚州二幫船三隻又撥兌婁縣水次興武

三幫船六隻該船六十六隻又撥入原派金山水次

興武四幫船三隻實共船六十九隻

江淮七幫船五十七隻 興武三幫船三隻 興武

四幫船九隻

川沙撫民廳額船六隻

興武八幫船六隻

青浦縣額船九十隻內加一裁船一隻又裁汰江淮

松江府志

卷二十四

田賦志

三

漕運

八幫內揚州三幫船四隻該船七十九隻又撥入原

派上海水次江淮八幫船一隻實共船八十隻

金山幫船三十三隻 江淮二幫船一十隻 江淮

八幫船二十五隻 興武八幫船一十二隻

按江南通志江淮衛之五幫七幫入幫興武衛之三幫四幫六幫七幫八幫均兌運松江府糧鎮海衛兼運蘇松漕白二糧金山幫兼運松常漕白二糧似與現行之制不甚相遠又例載蘇松糧道所屬各幫船隻就原兌本府各邑水次遠不過百里近則三四十里定以三年一調是各縣之派兌恆有變更也至於船隻多寡或因蠲緩核減停運亦未畫一惟錄近年現行之制聊以見各屬額派船數耳

兌運白糧幫船

華亭縣額船六隻 奉賢縣額船五隻 婁縣額船

六隻 金山縣額船五隻 上海縣額船七隻 南
匯縣額船七隻 川沙撫民廳額船一隻 青浦縣
額船八隻

監兌押運

嘉慶元年戶部則例載松江府董漕同知糧捕通判
每年令一員監兌漕糧一員押運白糧輪流遞管又
云江南省蘇松等府俱令監兌官兼司押運抵通
現設管糧通判一員專司押運
領運

江淮興武各衛幫船每幫額設領運千總二員輪流

松江府志

卷二十四

田賦志

旱

漕運

押運一員抵通交糧一員接領新運

金山幫領運千總二員

按金山衛志云松江守禦中千戶所官軍不預防海
每歲聽漕運衙門撥派江南府分倉糧運赴京倉通
州倉交納迨後裁歸鎮海衛管理
所有金山衛所額設運弁二員

松江白糧幫領運千總二員

贍運屯田

金山衛屯田實共田地三百八十三頃七十畝九分
八釐九毫七絲

一贍運屯田三百五十七頃五十七畝七分八釐一

毫七絲

上海縣七十頃八十五畝八分四毫 南匯
縣二百八十四頃七十九畝三分三釐五毫

七絲 川沙撫民廳一頃八十四畝
三釐九毫 奉賢縣八畝六分三毫

一清出房基武場等地共二十六頃一十三畝二分

八毫 華亭縣一十三頃五十七畝四分五釐四毫
金山縣一十二頃五十五畝七分五釐四毫

在衛徵解贍運屯田項下

屯田每畝徵本色米一升一合五勺二抄四撮三圭
一粟一顆八黍四稷四糠三秕一秬七禾 折色銀

一錢五分一釐八毫八絲六忽一微二纖七沙七塵
六渺八漠三埃七逡八巡八須 攤徵屯丁銀二毫

三絲四忽五微六纖二沙一塵九渺八漠六埃八逡
八巡

房基武場等地每畝徵米價并折色銀一錢六分三
釐四毫一絲六微四纖三沙一塵六渺三漠四埃九

逡八巡六須六庚 攤徵人丁銀二毫三絲四忽
五微五纖二沙一塵九渺八漠六埃八逡八巡

共徵本色米四百一十二石八升三合八勺 內正米
四百四

松江府志

卷二十四

田賦志

望

漕運

石一斗六升三合八勺每石折銀一兩內灰石減共
編月糧等米七石九斗二升每石折銀一兩二錢

折銀四百一十三兩六錢六分八釐

共徵折色并米價銀五千八百六十七兩一錢三分

七釐隨徵五分耗羨銀二百九十三兩三錢五分七

釐

實共銀六千五百七十四兩一錢六分二釐

一解布政司地丁銀四千一百六兩六錢二分九釐

隨正五分耗羨銀二百八兩六錢八分五釐

一解蘇松糧道漕頃廩工贍運等銀一千五百九十

二兩六錢四分九釐隨正五分耗羨銀七十九兩六

錢三分二釐

一解蘇松糧道月糧米折銀四百一十二兩六錢六分八釐

一江安糧道漕項裁扣銀一百兩八錢隨正五分耗羨銀五兩四分

一支 廟壇祭祀香燭等銀五十五兩五分九釐

一支 健役工食銀一十二兩

各廳縣徵解贍運屯田頃下

一上海縣民佃屯田一十八頃六十畝七分六釐四

毫

每畝徵折租銀五錢五分八釐

共銀一千三十八兩八錢六分四

松江府志

卷二十四

田賦志

聖

漕運

釐

一奉賢縣屯田八畝六分有奇 上海縣屯田五十

二頃二十四畝有奇 南匯縣屯田二百八十四頃

七十九畝三分有奇 川沙廳屯田一頃八十四畝

有奇

以上屯田每畝徵津貼銀二錢徵貼造銀三分共徵

銀七千七百九十六兩八分四釐

奉賢縣一兩九錢七分九釐 上海

縣一千二百一兩五錢三分 南匯縣六千五百五

十兩二錢四分七釐

川沙撫民廳四十二兩三錢二分九釐

按金山衛志所載本衛左右前後并松江青村南匯共七所共田三百五十二頃八十畝左右前後四千戶所各田三十一頃九十六畝守禦松江中千戶所

一百六十一頃四畝守禦青村甲前千戶所三十一
頃九十六畝守禦南匯甯中後千戶所三十一頃九
十六畝核與今數有盈無絀雖其閒裁并典佃頭緒
繁多而案牘可稽坐落鄉齒具在足為運丁身家之
一助云

松江府志卷二十四終

松江府志

卷二十四

田賦志

三

漕運

